

摘藻堂四庫全書薈要

集部

欽定四庫全書薈要

集部

劔南詩藁卷七十六

詳校官助教臣謝登雋



欽定四庫全書薈要卷一萬五千五百六十六

集部

劍南詩彙卷七十六

宋 陸游 撰

湖上

羽扇影翩翩湖上徜徉莫計年桃李已忘疇昔分

禽魚猶結後來緣山前虛市初多筍江外人家不禁煙  
莫恨幽情無與共一雙白鷺道吾前

即事

成敗歸青史悲驪付浩歌病從今歲減詩比去春多高  
枕觀浮世持盃養太和功名亦易爾難負此漁蓑

東籬雜書

芳草初侵路青梅已破枝雨來鳩逐婦日出雉求雌  
莽江湖遠悠悠歲月移老人觀物化隱几獨多時

又

桃李成塵土來禽始著花病夫猶枕上春事又天涯  
巷陌鞦韆夢簾櫳燕子家野僧來問詢強把半甌茶

又

老厭人間事閒知造物功  
草生三徑綠花發一窗紅  
幽境巖塵外流年嘯傲中  
所嗟儕輩盡論舊只春風

又

身與春俱老愁隨日漸長  
簾櫳聽語燕澗谷擷幽芳  
酒榼常從後詩囊亦在傍  
閒行無定處隨意據胡床

山行

山鳥啼孤戍煙蕪入廢亭  
隄成陂水白雨細稻秧青草

市少行旅鼓祠多乞靈最憐投宿處微火算晶熒

稻陂

白水蒲稻陂投種未三宿新秧出水面已作纖纖綠年  
來殘俸絕所望在一熟見之喜欲舞不復憂半菽想當  
西成時載重壓車軸病齒幸已牢往矣分社肉

雨夜思子虞

兀兀過遙夜悠悠擁破衾峭寒侵病骨殘雨滴愁心人別  
易千里書來真萬金醉眠差似可誰與伴孤斟

醉中示客

四座無譁聽我歌  
百年生計一煙蓑  
清尊漱漱猶狂在  
白髮蕭蕭奈老何  
遠適安能縮地脉  
高眠聊足養天和  
吾徒看盡人間事  
莫愛車前印幾窠

散髮

散髮垂肩嬾更簪  
一窗竹水對蕭森  
從來恥作資身策  
老去終懷報國心  
雷起鼻端秋枕石  
泉鳴指下夜橫琴  
不緣羸病愁迎客  
經歲何人肯見臨

病中觀辛夷花

餘生垂九十一病理一衰旬月不自保敢作期歲期  
粲女郎花忽滿庭前枝繁華雖少減高雅亦足奇持盃  
酌花前事亦未可知明年儻未死一笑當解頤

小艇

放翁小艇輕如葉只載簑衣不載家清曉長歌何處去  
武陵溪上看桃花

雜題



賀公在朝雅吳語莊烏仕楚猶越吟我幸歸休在閭巷  
燈前感慨不須深

又

茆屋三間已太奢柴乾米白喜無涯非賢敢竊優賢祿

願折蓴絲與蕨芽

半俸自春初  
不復敢請

又

野花紅碧自爭春村酒酸甜也醉人解放船頭便千里  
不愁無處著閒身

又

湖隄疎瘦水楊柳村舍殷紅山石榴推戶本來隨意入  
乞漿因得片時留

閒遊

柴車去去度橫陂正是春殘入夏時果熟多藏新密葉  
鶯啼偏占最高枝迷途每就傭畊問薄飯時從逆旅炊  
隨意題詩無傑思還家猶足詫吾兒

病起初夏

頭風間作已全輕  
山雨雖頻却快晴  
窗外時時度花片  
林梢處處送鶯聲  
地偏無客談閒事  
夢熟逢人樂太平  
不為衰遲辜節物  
一甌羊酪薦朱櫻

衡門獨立

春歸堪笑又怱怱  
水白秧青細雨濛  
溪鳥低飛畫橋外  
路人相值綠陰中  
宋清藥券貧來積  
李賀詩囊病後空  
惟有劇談能一洗  
芳尊那得故人同

雨夜

吳中地多雨海角客常愁羸疾須醫藥殘年憶輩流解  
裝孤驛晚捩柁小江秋莫起瀟湘興無才賦遠遊

山麓

草合路如線偶隨樵子行林間過磐石少憇看春畊

北竺

質本聳北竺歌壞略撐拄窗扉則虛名聊足度寒暑獨  
學無與論推轂實勞苦審觀古人意十亦得四五無功  
與子光相可豈待語一床寬有餘高卧聽簷雨

禽言

架犁架犁南村北村雨淒淒夜起飯牛雞未啼日算砑  
砑行千畦沒足勿恨一尺泥西成收薄汝噬臍

架犁

又

拔筍拔筍入簍不辭風雨窘養成會見高拂雲取供口  
腹初不忍獨持兩把慰倚門慈顏一笑如春溫

拔筍

又

老翁老尚健打麥持作飯終歲隴畝間勞苦孰敢怨人

生為農最可願得飽正如持左券確春樵爨小甌香豈

不勝汝耗太倉

打麥作飯

又

堂前捉績子力作忘朝餐鵝黃雪白相照耀揄茅作簇

高如山蠶女採桑至煮繭何暇膏沐梳髻鬟繅成蜀錦

與楚穀舞妹纏頭不論束

堂前捉績子

道院偶述

景德祥符草野臣登封曾望屬車塵已經成住壞空劫

猶是東西南北人

又

憶在青城煉大丹丹成垂欲上仙班飄零未忍塵中老  
猶待時平隱華山

初夏書感

春與人俱老花隨夢已空遊蜂黏落蕊輕燕接飛蟲桑  
悴知蠶起牲肥賽麥豐為農當自力相戒勿怠怠

贈邢蜀甫

割愁何處有并刀傾座誰能奪錦袍堪笑陸翁隣鬼錄  
尚推邢友擅人豪杜門雖少客載酒落筆已能奴命騷  
安得相從北窗下山君賸馥與殘膏

昔從戎南鄭日范西叔為予書小卧屏今三十有  
八年矣悵然有懷

梁州風月今何在每憶朋儔淚濺裾戎幙已如它世事  
素屏猶對故人書

小雨



川雲疊疊密如鱗  
山雨霏霏細似塵  
未必便為畊隴喜  
天公分付與詩人

遣興

山澤荒寒外  
門庭寂寞中  
厭聞鳩喚雨  
常羨鵲知風  
逆境嗟行徧  
閒愁幸埽空  
今晨有奇事  
簫鼓賽年豐

又

風月資吟嘯  
漁樵約往還  
貧猶能釀酒  
病不廢遊山  
亂石卧牛馬  
流泉鳴珮環  
豁除羈旅日  
猶有半生閒

初夏喜事

箕穎元非爭奪場  
瀟湘自古水雲鄉  
采茶歌裏春光老  
煮繭香中夏景長  
歛版早知遊宦惡  
署門晚悟世情常  
茹芝却粒雖無術  
散髮猶當效楚狂

夢蜀

自計前生定蜀人  
錦官來往九經春  
堆盤丙穴魚腴美  
下箸峨眉枴脯珍  
聯騎雋遊非復昔  
數編殘藁尚如新  
最憐栩栩西窗夢  
路入青衣不問津

閒遊

一見溪山病眼開  
青鞵處處蹋蒼苔  
平生長物埽除盡  
猶帶筆床茶竈來

又

好事湖邊賣酒家  
杖頭錢盡慣曾賒  
壚邊爛醉眠經日  
開過紅薇一架花

初夏

床有蒲團坐負牆  
室無童子自燒香  
人圖作佛雖堪笑

我愛逃禪亦太狂  
櫻筍久忘晨入省  
尊鱸猶喜老還鄉  
汗青未絕茶經筆  
那暇投文吊戰場

又

梅子生仁已帶酸  
棟花墮地尚微寒  
室無長物惟空榻  
頭不加巾但小冠  
蠶簇倚牆絲盡起  
稻秧經雨水陂寬  
郊原清潤身差健  
剗欲閒遊一跨鞍

野興

東望城闌十里遥  
野人生計日蕭條  
棊枰棄置機心息

肉食蠲除業境消  
送藥時時過鄰父  
放魚日日度溪橋  
自憐愛物還成癖  
門巷春來草沒腰

又

涉澗穿林信意行  
翠崖朱棧愜幽情  
關關幽鳥將雛語  
簌簌幽篁解擗聲  
藉草一壺消永日  
出門幾屐了平生  
川雲正作遮山計  
浩蕩南風又快晴

自笑

宦途昔似伏轅駒  
退處今如縱壑魚  
手自埽除松菊徑

身常枕藉老莊書  
郊居本自依農圃  
社飲何妨逐里閭  
白髮蕭然還自笑  
風流猶見過江初

喜晴

正厭鳩呼雨  
俄聞鵲噪晴  
路開知潦退  
書展喜窗明  
日透疎簾影  
風傳莫角聲  
兒童競相報  
門有賣朱櫻

過鄰曲

黃雲卷盡綠針齊  
夏木陰陰滿古堤  
耆老往來無負戴  
比鄰問道有提携  
暑天漸近便餐酪  
吳俗相傳尚鱸葦

共喜豐年多樂事扶歸先判醉如泥

題蘇虞叟巖壑隱居

蘇子飄然古勝流平生高興在滄洲千巖萬壑舊卜築  
一馬二僮時出遊香斷鐘殘僧閣晚鯨吞鼉作海天秋  
極知處處多奇語肯草吳牋寄我不

縱筆

騎鶴翩翩過月傍浩然風露九秋涼忽聞捲地潮聲起  
始覺江山近故鄉

又

百尺松根結茯苓千年長養似人形誰知金鼎烹初熟  
恰直山翁醉欲醒

北窗即事

衡茅隨力葺幽居埽地焚香樂有餘分食時能下擔鵲  
作洲常悔誑池魚遊歸又失相尋客睡起重開未了書  
袖手悠然便終日不辭世俗笑迂疎

又



北窗最與嬾相宜世上紛紛了不知露井甘寒初浚後  
小山蔥蒨乍晴時粗餐豈復須鮭菜蓬戶何曾設屐屨幸  
有床頭藤杖在登臨未遽歎吾衰

感物

提壺勸客飲架犂課農畊鳩方喜婦還蟻又以族行大  
化職雨暘我窗更晦明芸芸觀萬物一笑了此生

園中把酒示鄰曲

畏途半世困風波老返家山得已多野餉雖無食指動

村醅也解醉顏醺夢殘正欲還君枕  
棊罷那知爛客柯  
松菊未荒風月在應容老子且婆娑

又

煮豆烹蔬當果穀固應盃酌盡陶匏  
池塘潏潏荷浮葉  
門巷陰陰筍放梢三畝荒園存故業  
一編蠹簡得深交  
樊廬經雨穿將偏欲向村東自割茅

書憂

時人應怪我何求白盡從來未白頭  
磅礴崑崙三萬里

不知何地可羶憂

門外獨立

朝看出市莫看歸數盡行人尚倚扉要見先生無盡興  
少須高樹挂殘暉

感事六言

老去轉無飽計醉來暫豁憂端雙鬢多年作雪寸心至  
死無丹

又

黑犢養來純白睡蛇死後安眠但有漉籬可賣不妨到處隨緣

又

五尺童知大義三家市有公言但使一眠得熟自餘萬事寧論

又

夢熟與人同喜賊驕為國私憂身似五更春夢家如一宿山邨

又

早歲已歸南陌莫年常在東籬短衣幸能掩脰長劒何  
須挂頤

又

高岸眼看為谷寸根手種成陰一卷楚騷細讀數行晉  
帖閒臨

又

李白巖崎歷落嵇康潦倒粗疎生世當行所樂巢山喜

遂吾初

又

有飯那思肉味安居敢厭茅茨未論顏淵陋巷老農自  
是吾師

幽居記今昔事十首以詩書從宿好林園無俗情  
為韻

總角入家塾學經至幽詩治道本畊桑此理在不疑今  
茲垂九十謝事居海涯戴星理農業未歎筋力衰四月

築麥場五月漕稻陂秉火去螟蝗磨刀剪棘茨西成大  
作社歌鼓樂聖時

又

上世本為農輟耕業詩書我少學不成固應返其初冥  
冥不自揣鄉校參羣居中歲偶拔擢清班久趙趙典奏  
入南宮細書長石渠及其乞身歸舊業已丘墟衰疾或  
小間力尚給荷鋤寄聲謝故人毋為笑迂踈

又

我昔揮短楫終年釣吳松亦嘗攜長鑱采藥玉霄峰為  
計晚大繆朝路偶見容晨趨大明班夜聽長樂鐘白髮  
迫歸休居然鮮歡悰上恩許乞骸一日收孤蹤蓬茅略  
補葺甑甗勤炊舂故交零落盡歲晚當誰從

又

還鄉老未死舉目少耆宿邑屋亦或非所餘但喬木曩  
時列鼎家今不飽半菽盛衰迭變遷何者非陵谷羸然  
九十翁世故見已熟偶能達一理萬事等破竹布縫一



稱衣藜煮半釜粥餘年更何為枕藉糟與麴

又

癸亥辭脩門拜賜散人號一出非本心歡喜歸祭竈故鄉多名山幸得遂所好舟輿雖難具信步亦可到清溪無塵滓奇峯有雲冒雨墊林宗巾風落孟嘉帽豈惟狂故在望遠亦未眊一醉儻可謀敢愛將軍告

又

入蜀過匡廬秋風宿東林月出斷山口滿窗松竹陰裊

裊一枝燭道人語夜深亦設麴果供慰此羈旅心猶恨  
非遠公無酒遣我斟明日下山去歎息難重尋回首四  
十年駒隙何駸駸舊遊不可到悵望空長吟

又

昔戍西郵時憑高望中原願欲禳天風往吊綺與園有  
志莫能遂悵望商山魂遙想山中人歲時奠芳蓀夕陽  
簫鼓散高柳擁廟門老來更事多考古見本根乃知當  
時事禍福未易言千載信悠悠浩歎掩綠尊

又

客舟挂煙帆千里過楚都七澤渺無際大不數具區浪  
翻出長蛟雲折浮天吳我我來如山碎船不須更江行  
幸已盡三峽尤畏途槎牙人鱗峩小失即見屠叩頭禱  
鬼神已脫猶號呼願君勤自勵憂患何時無

又

昔自京口歸卜居得剡曲地偏無市人民淳有古俗陋  
屋僅結茅粗飯財脫粟典衣以沽酒九月未能贖寧負

翁子薪恥售卞和玉老身已如此兒子亦碌碌藏書幸  
無恙自計不啻足拾穗且浩歌行矣墮鬼錄

又

少小喜讀書終夜守短檠其實無甚解不幸誤有聲勞  
苦亦何得空失東臯畊莫年乃小黠告歸學養生采藥  
作遠遊把釣適幽情高樓笛數曲小軒棊一枰餘年置  
勿憂不卿何由烹

喜雨

入夏久不雨旱勢已及及蛙蛤徒自喧蛟龍卧如蟄何  
由白水滿但守青秧泣上天忽悔禍川雲起呼吸虛簷  
雨競瀉平野苗盡立兒停跼溝車婦免憂谷汲人言雨  
非雨乃是傾玉粒移床亦細事敢嘆屋漏溼

初夏雜興

老子今朝不用扶雨涼百病一時蘇扇題杜牧故國賦  
屏對王維初雪圖把釣溪頭跼湍瀨煎茶林下置風爐  
箇中莫謂無同賞通客能從折簡呼

又

巾脫冠欹八尺床竹陰槐影有餘涼  
隨風花墮殘棋上引睡書拋倦枕傷  
水長沙鷗向人熟雨餘巢燕哺雛忙  
尚嫌未愜幽情狂又喚漁舟渡野塘

又

自斷殘年莫問天吾儕何處不隨緣  
家貧却得身差健夜短何妨晝熟眠  
未厯名山采靈藥且從同社樂豐年  
賣絲糴麥償逋負猶有餘錢買釣船

又

繆算狂言悔莫追  
杜門省事不妨奇  
歌傾淡墨詩成後  
縹緲烏巾浴出時  
筇杖閒行穿密篠  
繩床移坐照清漪  
眼邊好景真須惜  
漸近浮生結局時

又

趁雨東園去  
荷鉏歸菴却展讀  
殘書幸能冒著雲夢澤  
何恨家無擔石儲  
水泛時須借蓬艇  
山行亦或命中車  
嬾心惟怕遊城市  
非向交親故作疎

又

終日頽然蠹簡中  
門前煙水浩無窮  
百年等是一枯塚  
四海應無兩放翁  
栗玉長枝挑苦筍  
胭脂小把翦防風  
地偏日永閒無事  
擬著珍蔬譜一通

對酒作

飲酒豪如卷白波  
遣愁難似塞黃河  
多聞只解為身累  
後死空令見事多  
未試神仙餐玉法  
且賡壯士入關歌  
此心不道無人識  
雪鬢蕭蕭奈老何



獨坐閒詠

書生亦有功名願與世無緣每背馳一寸丹心空許國  
滿頭白髮却緣詩

又

深掩柴荆謝世紛南山時看起孤雲殘年所幸身猶健  
閒事惟求耳不聞

水亭

水亭不受俗塵侵  
葛帳筠床弄素琴  
一片風光誰畫得

紅蜻蜓點綠荷心

又

莫道山翁老病侵  
靜中理得舊傳琴  
朝來有喜君知否  
雨展芭蕉二尺心

書興

占得溪山卜數椽  
飽經世故氣猶全  
入門明月真堪友  
滿榻清風不用錢  
便死也勝千百輩  
少留更過二三年  
湖橋有酒能來醉  
一棹何妨作水仙

書感

翟公冷落客散去蕭尹譴死人所憐輸與桐君山下叟  
一生散髮醉江天

又

驅山不障東逝波一尊莫惜醉顏酡斜風細雨苕溪路  
我是後身張志和

暑雨

欲雨未雨雲車奔欲睡不睡人思昏蠻童正報煮茶熟

忽有野僧來叩門

又

草茂水長蛙羣鳴  
涯深路壞人斷行  
故侯老退守瓜壘  
翠蔓黃花徧眼明

池亭夏晝

造物寧非念老生  
池亭幽事悉施行  
羣魚聚散忽無迹  
孤蝶去來如有情  
小磴落茶紛雪片  
寒泉得火作松聲  
曲肱假寐脩然寤  
不為敲門夢不成

又

茅舍蘆藩枕小灘  
蕭森那復畏炎官  
醉床酒解香初過  
嬾架書橫夢未殘  
饒愛流匙菰米滑  
渴便滿杓粟漿酸  
兒孫幸有團樂樂  
未覺浮生一笑難

頃歲從戎南鄭屢  
往來興鳳間暇日  
追懷舊遊有賦  
昔戍蠶鼓北頻行  
鳳集南烽傳戎壘  
密驛遠客程貪春  
盡花猶坼雲低雨  
半含種畬多菽粟  
藝木雜松栢婦汲  
惟陶器民居半草  
菴風煙迷棧閣雷  
霆起湫潭城郭秦  
風

近村墟蜀語參快心逢曠野刮目望浮嵐考古時興感  
無詩日每慙嘉陵最堪憶迎馬柳毵毵

埽除小園未竟歸卧

竹葉埽仍落莎根鋤更生陰陽常代謝今昔各施行  
勛業湏時至衰榮忌力爭徑歸差省事高枕聽蟬聲

暑中北窗晝卧有作

禦疾如治河但當導之東下流既有歸自然行地中  
養生如執木培植要得宜常使無夭傷自有千雲時我少

本多疾屢亦頻危殆皇天實相之警告意有在中年棄  
嗜慾晚歲節飲食中堅却外慕魔盛有定力死生雖天  
命人事常相參茫茫九衢中百禍起一貪郊虛暑雨餘  
中墮脚不襪高卧北窗涼超然寄疎豁

羈懷

羈懷不復耐悲歡清鏡朝朝雪鬢繁謝傳畏逢親友別  
龐公思遺子孫安殘骸累歲歸民伍半俸今春上縣官  
閉戶惟須學堅坐不知更敗幾蒲團

自貽

寒暑衣一稱朝哺飯數是錢能禍撲滿酒不負鷗夷

又

家風本韋布生事但漁樵慣就下鄉食莫煩東閣招

又

癡孫護雀雛饒僕放池魚懷藥問鄰疾典衣收舊書

又

退士憤驕寇閒人憂早年耄期身未病貧困氣猶全



劍南詩豪卷七十六

欽定四庫全書薈要卷一萬五千五百六十七

集部

劍南詩彙卷七十七

宋 陸游 撰

得雨霑足遂有豐年意欣然口占

人事銷沉渺莽中此身元合付天公  
儒冠已脫非嫌誤社酒常辭不怕聾  
鬱鬱稻苗欣出穗汪汪陂水告成功  
老民莫道渾無用能為明時祝歲豐

浴罷閒步門外而歸

兩扇荆扉數掩籬幽人浴罷得娛嬉  
南臨大澤風來遠東限連山月出遲  
沙上無泥藤屨健水邊弄影葛巾欹  
徑歸却就東窗卧要及蟬聲未歇時

初晴

暑雨初收體為輕遠山盡出眼偏明  
詩憑寫興忘工拙酒取澆愁任濁清  
綠樹有陰休倦步澄溪無滓濯塵纓  
老人本少凋年感不奈江城暮角聲

枕上

青絲玉井轆轤聲露葉風枝鶉鴂鳴造物未容閒到死  
又從枕上得詩情

又

冥冥梅雨暗江天汗浹衣裳失夜眠商略明朝當少霽

南簷風珮已鏘然

新作藥玉風響如古  
玉珮珩璜琚瑀悉備

讀史

馬周浪迹新豐市阮籍興懷廣武城用捨雖殊才氣似  
不妨也是一書生

今歲六月望後一日立秋比常年涼意差早

九衢車馬困炎曦正是山中散髮時秋近梧桐已搖落  
陰生蟋蟀最先知稻陂水白寧憂旱灶突煙青幸續炊  
誰謂吾廬太岑寂茶瓜亦有野人期

獨坐

蛙鳴乃是怒鵬嘯固非妖獨宿空山夜何妨伴寂寥

又

輕雷不成雨闕月却穿雲獨倚南窗柱長吟到夜分

貧病

貧至今年劇真無地置錐判愁停貰酒忍病罷迎醫性  
嬾非關老天窮豈坐詩秋風還欲到便可數期頤

步溪

揮汗欲成雨聚蟲真若雷山翁在何許赤脚步溪來

即事

身向人間閱事多杜門聊得養天和盛衰莫問蕭京兆  
壯老空悲馬伏波日莫城樓傳戍角風生嶺路下樵歌

君知此段神通否  
豎拂能降百萬魔

又

唐虞千載仰巍巍  
太息儒生每背馳  
經未盡亡君更考  
古無不死我何悲  
釣耕本是求賢地  
宵旰今逢願治時  
寄謝公卿各努力  
為吾君築太平基

又

我愛湖山清絕地  
抱琴携鵲住茆堂  
藥苗自采盤蔬美  
蓀米新舂鉢飯香  
南浦風煙無限好  
北軒雷雨不勝涼

舊交散落無消息借問黃塵有底忙

又

放翁老去未忘情鏡裏森然白髮生一片常愁見花落  
三聲最怕聽猿鳴年年雙隻路傍堠夜夜短長城上更  
晚悟一條差似可孤舟漁火看潮平

野性

野性從來與世疎俗塵自不到吾廬醉中往往得新句  
夢裏時時見異書稚子那偷服藥酒家僮尚護放生魚



今朝更有欣然處引得清泉灌晚蔬

閒行

出戶莽悠悠東西本不謀阻溪因小涉逢店得中休  
鳥沒千山暝蟬吟一院秋詩成還自笑信筆媿冥搜

伏中熱不可過中夜起坐作詩寄五郎

衆星若銀礫老桂卧海底中夜熱不解病叟推枕起悲  
蟲號草根孤螢照野水樹頭風急生喘汗真一洗追憶  
總角初學古頗自喜祝身願耆老常恐抱志死宣知才

術疎空自凋髮齒功名永無期祿不飽妻子歸耕力又  
憊得粟半糠粃詩書不可賴如倚折足几大兒逾六十  
逐食走千里路途況艱梗累月書一紙豈不念歸省屢  
請輒見祝幸吾未極衰汝行姑少止

暑中自遣

名山處處得幽尋破硯時時出苦吟上藥和平無近效  
古詩簡淡有遺音蘇門隱去聞孤嘯栗里歸來弄素琴  
尚恐俗塵除未盡每思雪夜宿東林

夜坐中庭

蕭散坐中庭三更月未生  
遡風涼醉頰汲井濯塵纓  
草露沾衣冷天河隔樹明  
裴回不能睡鼓角下高城

夜坐門外示子適

秋意遽如許體中殊未佳  
灘深無宿鷺草茂有鳴蛙  
棲遯從吾好吟哦與汝偕  
雲門漸可到剗判幾青鞋

夜坐小飲

零落槐花已滿溝江湖又見一番秋  
水輪有轍凌空上

銀漢無聲接地流  
丹荔甘寒勞遠致  
玉醅醇冽喜新篘  
移床坐對西南電  
好雨心知不待求

閒思

畢世為農不復疑  
還東六見歲陰移  
閉門旋了和詩債  
賣藥不償沽酒資  
意倦投床效龜息  
齒疎嚼飯類牛呵  
兀然過日君無怪  
一念功名恐過悲

書村店壁

裹茶來就店家煎  
手解驢鞍古柳邊  
寺閣重重出山崦

漁舟兩兩破溪煙近秋漸動尋幽興絕俸難營覓醉錢  
到處不妨閒著句他年好事或能傳

幽居

毒暑流金石吾廬乃爾幽松棚香帶露竹簟冷生秋盪  
槩蘋花浦垂竿杜若洲非關遺世事聊以解吾愁

立秋前九日大雨涼甚

天暑正三伏雨來俄九秋寒聲入簷戶爽氣籠巾構山  
色凝深黛溪流戰怒虬身輕更何苦處處可閒遊

又

雨暗初疑莫雲開已變秋有風生枕簟無汗漬衣襟漉  
酒嘗浮蛆題詩走黑虬呼兒治書笈吾欲剡中遊

寄太湖隱者

青松伐作薪白玉碎作塵雖云質已毀見者猶悲辛  
石柯任棟梁溫潤中琮璧豈以捐空山遂比凡木石  
鄙生吏高陽馬周客新豐從來豪傑士大指亦略同  
具區古大澤煙水渺千里可望不可到中有隱君子  
圖書兼河

維成毀窮乾坤有時跨蛟鯨指撫雷雨聾嗟我獨何人  
乃許望顏色逝將從之遊變化那得測

讀史

湘帙牙籤滿架書流泉泱泱竹疎疎人生得志寧無命  
一室何妨且埽除

又

王侯到底是虛名何物能為我重輕徒步出關胡不可  
向來常笑棄繻生

又

男子胸中正要奇立談能立太平基君王玉鉞無窮恨  
千載茫茫誰復知

又

自古功名亦偶諧胸中要使浩無涯可憐赫赫丹陽尹  
數顆檳榔尚繫懷

病戒

憂身如憂國畏病如畏亂此身雖幸健敢作無事看禍



福在呼吸恐懼兼寢飯人所忽不省我思嘗熟爛夜卧  
不安席晨起寧待旦雖云親藥石得失每參半人情喜  
一快往往觸剝悍收功寧使遲覆敗不可玩

夏夜納涼

河漢微茫月漸低風聲正在草堂西莎根唧唧蟲相吊  
木末翻翻鵲未栖屯甲近聞如積水聞淮壖近募  
雄淮軍數萬守關  
不假用丸泥孤臣報國嗟無地只有東臯更飽犁

銘座

身退仍懷退心平更欲平直嫌繩尚曲重覺鼎猶輕力  
學能除翳深居可息黥聖門初豈遠妙處在躬行

異夢

山中有異夢重鎧奮雕戈敷水西通渭潼關北控河淒  
涼鳴趙瑟慷慨和燕歌此事終當在無如老死何

初秋驟涼

我比嚴光勝一籌不教俗眼識羊裘滄波萬頃江湖晚  
漁唱一聲天地秋飲酒何嘗能作病登樓是處可消憂

名山海內知何限  
準擬從今更爛遊

新涼

家住山陰剡曲傍  
一番風雨送新涼  
亦知病得清秋健  
無奈愁隨獨夜長  
日落川原橫慘淡  
月明洲渚遠蒼茫  
老民無復憂時意  
齒豁頭童只自傷

書幸

才薄無能役窮途  
不意全得書娛晚  
莫遇藥起沉痾漂  
母能分食偷兒肯  
怨羶不知從此去  
更度幾流年

# 獨遊

地僻少人迹身閒思獨遊  
荒村更阻雨衰鬢不禁秋  
斷續呼牛笛橫斜放鴨舟  
殘年澹無事隨處送悠悠

# 記夢

夢遊異境不可識翠壁蒼崖立千尺  
樓臺縹緲出其上揮手直登無羽翼  
門楣扁榜作八分奇勁非復人間迹  
主人鹿弁紫綺裘相見歡如有疇昔  
探懷示我數紙書妙句玄言皆造極  
我即鈔之雜行草主人懽恍如甚惜

夢中亦復知是夢  
意恐覺時無處覓  
自量強記可不忘  
雞唱夢回空歎息

初秋自述

平生偶有愛山癖  
垂老常無沽酒資  
破屋頽垣吾已矣  
大冠長劔汝爲誰  
邨亭厯厯關河遠  
鬢髮蕭蕭歲月移  
殘暑不禁隨手過  
東籬又近菊花時

秋暑夜起追涼

漱罷寒泉弄月明  
浩然風露欲三更  
曲闌干畔踟躇久

靜聽空廊絡緯聲

又

道士磯邊浪蹴天  
郎官湖上月侵船  
莫年自度無因到  
且與沙鷗作後緣

小築

小築並湖堤  
茅茨不厭低  
引泉澆藥圃  
斫竹樹雞棲  
夕靄山常淡  
秋蕪路欲迷  
平生草玄手  
老去學鉏犁

喜雨

黑雲橫絕天漢津父老僉言候當雨未論秋稼縣千里  
且喜滂沱洗殘暑我起呼兒扶再拜汗垢得涼真一快  
桔槔抱甕兩置之日日齋盂飽菰芥

又

雨聲蕭蕭集庭樹雨氣森森入窗戶玉川茆屋久不葺  
破漏無復施床處我於萬事本悠悠危坐讀書忘百憂  
明朝秋水增三尺且復沙邊弄釣舟

秋夜

大枕空床夢不成  
草堂悄悄四無聲  
月明漸見天窗白  
風起忽聞簷珮鳴  
客子未忘悲故里  
老人無念到浮名  
江村歲歲先涼冷  
且復尋盟向短檠

白鷗

平生崖異每自笑  
一接俗人三袂除  
惟有白鷗真我客  
爾來底事向人疎

靜室

靜室牀橫一素琴  
爾來殊覺道根深  
喚回倦枕功名夢



洗盡浮生幻妄心  
兩屨雲煙遊少室  
一窗風雪宿東林  
細思却是關身事  
無奈殘年老病侵

秋興

秋眠怯簟冷晨飯喜蔬香  
寧使衣百結肯儲錢一囊  
杜門雖局促負氣尚軒昂  
死去真無憾曾孫似我長

欲雨

徙穴中庭蟻爭巢  
後圃鳩物情猶慮患  
人事得忘憂

又

荷鍾決新渠芟茅補舊廬共知秋必雨有備即安居

雜感十首以野曠沙岍淨天高秋月明為韻

呂鈞渭水濱說築傳巖野雖曰古盛時得士蓋亦寡天  
將起治亂人才有用舍向非萬牛力孰與成大厦

又

沫泗日已遠儒術日已喪學者稱孔墨為國雜伯王書  
生幸有聞力薄不能倡默默世俗間汝職無乃曠

又

我昔下三峡百丈堆兩車初發公安城已過長風沙早  
知世路惡恨不常浮家至今清夜夢雙舫聞謳啞

又

斗杓運四序寒暑忽已換人生知幾何去日難把玩憑  
高望煙海青山忽中斷秋風肺病蘇為子巾一岸

又

磨鏡要使明拭几要使淨奈何視吾心不若几與鏡垢  
汙倘未除秋毫即為病吾曹亦聖徒可不學顏孟

又

天人本一理禍福常昭然人衆何足恃妄謂能勝天道  
燕當北轅調瑟當解弦五行未可忽洪範禹所傳

又

鏡湖一何清稽山一何高浙江百里遠夜枕聞驚濤子  
胥死吳下千載無人豪遺魂招不來我欲續楚騷

又

歸耕無襪襠出戰無兜鍪已失西疇春空懷北平秋提

攜一束書蹭蹬至白頭  
鬴中有輟飯一飽吾何來

吳人謂飯

不炊者為輟  
飯輟音勞

又

我昔遊劍南爛醉平羗月  
一盃玻瓈春萬里望吳越  
豈知有天幸故山得歸骨  
扁舟小江上夜半看月沒

又

入東多名山天台連四明  
路窮寺門出林闕溪橋橫  
豈無一月間結束與子行  
會揀最幽處煨芋聽雪聲

秋思

秋雲易簇日常陰  
西望山村每欲尋  
屏掩數峰臨峭絕  
蛇蟠一徑入幽深

又

山步溪橋入早秋  
飄然無處不堪遊  
僧廊偶為題詩入  
魚市常因施藥留

又

臨海銅燈喜夜長  
蘄春笛簟怨秋涼  
世間生滅無窮境

盡付山房一炷香

台州白銅  
燈檠絕妙

又

才不才間未必全胸中元自要超然黃金不博身强健  
且醉江湖萬里天

又

牙齒漂浮欲半空此生已付有無中一盃藜粥楓林下  
時與鄰翁說歲豐

又

疏泉洗石誇身健  
試墨燒香破日長  
若得三山安樂法  
不須更覓玉函方

又

傍縣人來涕泗翻  
蝗災暴虎不堪言  
天心似為衰翁地  
飽食安眠獨北村

又

閒愁正可資詩酒  
小疾安能減食眠  
一畝旋租畦菜地  
千錢新買釣魚船



又

眼明尚見蠅頭字  
暑退初親雁足燈  
厯厯胸中千載事  
莫將輕比住菴僧

又

虛極靜篤道乃見  
仁至義盡餘何憂  
名山采藥恐未免  
策蹇孰能從我遊

雞犬

鄉村年久競農務  
秋歛春畊恐失時  
我老元無夙興事

嬾雞啼曉恰相宜

又

貧家也復謹朝昏  
小犬今年乞近村  
糠粃無多深媿汝  
狺狺終夜護籬門

秋來瘦甚而益健戲作

莫笑形羸不自支  
清虛正與老人宜  
矛頭浙米誰能食  
甌裏生塵却自奇  
獨釣又逢秋晚後  
安眠常到日高時  
邇來久雨墻垣壞  
斫竹東岡自作籬

秋夜

岸幘蕭然病體輕  
雨餘郊館已涼生  
微風掠面酒無力  
明月滿窗眠不成  
葉底涓涓秋露滴  
草根咽咽暗蛩鳴  
屏居未免傷孤寂  
賴有鄰翁約耦耕

秋興

巢燕無情不更回  
門庭日日落楸槐  
新涼漸喜償碑債  
多病還憂欠藥材  
社近家方翦濁酒  
客來身自掃蒼苔  
道心已熟機心盡  
寄語鷓鴣莫苦猜

閒詠

莫笑結廬魚稻鄉風流殊未減華堂茶分正焙新開箸  
水挹中澗自候湯小几研朱晨點易重簾埽地晝焚香  
個中富貴君知否不必金貂待紫皇

青城丈人祠畫仙  
官有服貂蟬者

人壽至耄期

人壽至耄期如位至王公非以德將之往往不克終非  
必皆大惡過取固多凶吾今垂九十追逐羣衆中筋骸  
勝拜起耳目未盲聾強健天所借正與富貴同一念媿

屋漏一言誑孩童老無朋友規日夜勤自攻

訪野人

我行城西南適茲素秋時風露雖已高草木鬱未衰敲  
門尋野人一笑萬事非拂榻意何勤酒釀雁鶩肥新涼  
天所賜盡醉不足辭擊壤歌堯年瞑目以為期

熏蟲效宛陵先生體

澤國故多蟲桑夜吁可怪舉扇不能却燔艾取一快不  
如小忿之驅逐吾已隘寧聞大度士變色為蜂蠆

吹笛

吳江楚澤閒遊徧未豁平生萬里心  
醉裏獨攜蒼玉筍  
岳陽樓上作龍吟

書幸

破屋頽垣鬼笑窮暗中調護賴天公  
頻年得疾身猶健  
百種無營飯不空

感事

已醉猩猩猶愛屐入秋  
燕燕尚爭巢老夫看盡人間事

欲向山僧學打包

晚晴

雨如塵點送新涼  
雲作魚鱗襯夕陽  
蓬戶清閒貧亦好  
筍輿安穩病何傷

農家

寂寂江村數掩籬  
吾廬又及素秋時  
橫林未脫色已盡  
孤鳥欲棲鳴更悲  
小釜萸羹初下飯  
矮瓶豆粉正燃箕  
為農幸有家風在  
百世相傳更勿疑

寓歎

白首還鄉厭薜薇  
悵悵自歎欲疇依  
門庭不埽稀迎客  
礎杵無聲未贖衣  
達士共知生是贅  
古人嘗謂死為歸  
畊疇幸可期中熟  
又報殘蝗接翅飛

又

憶昔建炎南渡時  
兵間脫死命如絲  
奉親百口一身在  
許國寸心孤劒知  
坐有客瘖堪共醉  
身今病忘莫求醫  
出門但畏從人事  
臨水登山却未衰



雨夜

病多漸減燈前課老甚都忘枕上愁一段高情誰會得  
卧聽簷雨瀉清秋

秋懷

火食非初志衣塵每自哀危途觸澁頑歸興薄蓬萊  
逋客傳琴調高僧乞藥栽人間豈不好病眼自慵開

又

苦雨無時止幽人空復情少眠知夜永久病喜秋清瑩

傍疎簾度蛩依壞甃鳴流年那可挽又見曉窗明

又

獨立離人境幽居察物情蟻知軍陣法蟲作緯車聲身  
老唯貪睡兒痴亦惰畊騰騰復兀兀何以報時平

又

寓世久成贅忘家生若浮安能三太息惟有四宜休屋  
壞無全堵船輕每信流鷗夷幸無恙賴爾可消憂

小室

窗几窮幽致圖書發古香

古香見米元章書畫史

尺池魚鰕鰕拳

石樹蒼蒼老去身猶健秋來日自長養生吾宜解嬾或似嵇康

贈道侶

蒹葭人多有惟君獨造微丹成河自塞吟罷劍俱飛酒市尋差易雲山覓更非何時醉攜手為我發玄機

舟中醉題

風吹蘆荻聲颼颼晚潮入港浮孤舟老民已埽市朝迹

造物全付江湖秋項里廟前是魚市禹會橋邊多酒樓  
醉來且復過此日莫為碁枰悲無裘

又

鮑郎山前煙雨昏疎燈小市愁偏門上船初發十字港  
鼓棹忽過三家村孤鷺對鏡空自感老龜搗床何足論  
但願諸公各戮力上助明主憂元元

偏門十字港三家村皆地名

出遊莫歸

東行西行日莫歸川雲漠漠雨霏霏蝗餘場上禾收薄

酒貴街頭客醉稀  
買犢躬畊空自力  
灼龜占歲又成非  
稚孫索飯殊闕抱  
憐汝何時得瓠肥

園中作

紗巾一幅立斜陽  
本尚無閒況有忙  
雞犬往來空自得  
禽魚翔泳各相忘  
欲衰莎草無多綠  
未落梧桐已半黃  
徂歲匆匆成絕嘆  
瓦溝行復見新霜

劍南詩藁卷七十七

謹案卷七十六第二十二頁前五行頃歲從戎南  
鄭刊本脫戎字據唐宋詩醇增

卷七十七第二十頁後八行久病喜秋清刊本秋  
清訛清秋與韻不叶今改



欽定四庫全書

總校官庶吉士臣張能照

校對官編修臣楊壽楠

謄錄監生臣熊輝



欽定四庫全書薈要

集部

劍南詩藁卷七十八

九

詳校官助教臣謝登雋



欽定四庫全書薈要卷一萬五千五百六十八

集部

劔南詩藁卷七十八

宋 陸游 撰

感舊

莫笑山翁老欲僵  
壯年曾及事高皇  
雕戈北出戍窮塞  
華表東歸悲故鄉  
萬事固難輕忖度  
百年猶有未更嘗  
紛紛謗譽何勞問  
但覺邯鄲一夢長

齊民要術曰智如禹湯不如更嘗

東園

卷七十八  
車馬無聲客到稀。荷鋤終日在園扉。斷殘地脉疏泉過。  
穿透天心得句歸。對鏡每悲鸞獨舞。繞枝誰見鵲南飛。  
悠然自適君無怪。文史如山暫解圍。

秋夜

局促人間每鮮歡。秋來病骨愈酸寒。夾衣尚典雁聲過。  
斷簡未收雞唱殘。退士鬢毛紛似雪。老臣心事炳如丹。  
燈前握臂無交舊。聊喚清尊少自寬。

驛壁偶題

累累驛門堠杳杳寺樓鐘  
葉落樹陰薄雲生山崦重  
交親窮未棄父子老相從  
惟待新粳熟高眠聽夜春

又

去去投山驛悠悠解橐裝  
斜陽穿破廡落葉滿空廊  
舞簡村巫醉塗朱野女粧  
近行吾亦倦假寢據胡床

又

過市未十里入山知幾重  
幽林聞格磔淺瀨見唵喁  
小瓮家家酒衡門世世農  
班生定癡絕辛苦覓侯封

夜起思子虞

我久依畊壠兒方吊戰場卧聞風浩蕩起視月蒼茫老  
境綈袍暝貧家菜粥香惟愁殺風景無酒作重陽

秋日次前輩新年韻

孤生雖永棄要亦是黎元渺渺煙中路冥冥海上村小  
灘看鷺立平野送鴉翻即欲掩關卧南山猶未昏

又

舊交多雋傑離散各何之騏驥志千里鷦鷯巢一枝青

雲迷故步白首負明時幸有殘書卷猶堪付小兒

又

老人常獨處一笑比河清終日無來客三年不入城高  
眠聽酒滴危坐對雲生矯首羲皇世吾其享大羹

又

浮家久居蜀下峽晚還東天際孤帆遠花前百榼空旅  
遊渾似夢年運遂成翁欲話幾睂月無人可與同

又

殘年垂九十雪鬢不勝繁  
賣屨糴炊米典衣租廢園  
山深雲滿屋夜靜月當門  
鄰曲時相過扶行賴稚孫

仲秋書事

秋風社散日平西  
餘昨殘壺手自提  
賜食敢思烹細項

家庖仍禁擘團臍

昔為儀曹郎兼領膳部每蒙賜食與王公畧等食品中有羊細項甚珍予

近以惡殺不食蟹

又

天心那得與人同  
牲社家家禱歲豐  
料理蝗餘猶十五

殘年亦未委溝中

又

斷雲歸岫雨初收  
茅舍蕭條古渡頭  
短褐老人垂九十  
松枯石瘦不禁秋

又

客來深媿里閭情  
近為衰殘罷送迎  
旋置風爐煎顧渚  
劇談猶得慰平生

又



舉家食粥顏平原坐客無羶鄭廣文不是有心輕富貴  
偶然看破是浮雲

又

書生習氣盡驅除酒興詩情亦已無底怪今朝親筆硯  
村鄉來請辟蝗符

又

靈府不搖神泰定病根已去脉和平金丹妙處無多子  
只要先生兩眼明

又

省身要似晨通髮止殺先從莫拍蚊老負明時無補報  
惟將忠敬事心君

又

杖得輕堅餘可畧酒能醇勁更何求二君最是平生舊  
白首相從萬事休

又

心明始信元無佛氣住何曾別有仙領取三山安樂法

蒲團紙帳過年年

步屨

名山有志未能酬  
步屨東岡當出遊  
小閣捲簾驚鷺起  
清池投餌看魚浮  
西風吹葉空多感  
落日銜山尚小留  
兒老戍邊歸未得  
淮南新雁又經秋

後死

後死非初望  
餘生只自悲  
舊交孤劍在  
壯志短檠知  
行步雖依杖  
光陰未付棋  
為農自當力  
不為學豈詩

思剡

羸疾無休日  
清秋適此時  
節存旄盡落  
帶賸眼頻移  
吾興復不淺  
俗人那得知  
會當遊剡去  
支許有深期

故里

漏盡鐘鳴有  
夜行幾人  
故里得歸耕  
摧傷自喜消  
前業疾恙天  
教學養生鄰  
曲新傳秧馬  
式房櫳靜聽  
緯車聲芋魁  
菰首君無笑  
老子看來是  
大烹

野意

久忝明恩返故鄉  
全家衣食出畊桑  
詩纔適意寧求好  
醉即成眠不暇狂  
小雨荷鋤分藥品  
乍涼扶杖看優場  
此身已作農夫死  
却媿時賢獨未忘

意行至神祠酒坊而歸

雨收霽色滿川原  
獨曳枯藤出里門  
陌上微風搖稗穗  
溝中殘水出籬根  
繫牲廟柱悲刀几  
醺酒村場滿盎盆  
興盡還家殊不遠  
漁燈績火鬧黃昏

訪村老

強健如翁舉世稀夜深容我叩門扉大兒叱犢戴星出  
稚子捕魚乘月歸骨肉團圞無遠別比隣假貸不相違  
人間可羨惟農畝又見秋燈照搗衣

戲題僧菴

致虛守靜氣常全家付兒孫命委天夢事只堪高卧看  
危途誰校疾行先獨轅短棹聊乘興野草幽花自鬪妍  
數字漫留僧壁去與身閒作後身緣

書意

秋江菰菜喜新嘗  
鹽酪親調七箸香  
但有長腰吳下米  
豈須細肋大官羊  
青衫昔悔塵中老  
白髮今宜靜處藏  
一事尚須深自咎  
街頭兒女識韓康

又

物我年來已兩忘  
蕭然湖曲一茆堂  
身閒自與俗子遠  
睡美不知秋夜長  
餘祿正應蠶氣在  
宿醒時卧酒壚傍  
老人肘後長生藥  
檢盡千金無此方

南塘晚步記鄰里語

喚舟欲泛湖出門日已暮顧景遂輟行老病畏風露不  
如上南塘蕭然散予步季子挾書卷仲孫奉杖屨夏秋  
多杜門一出驚行路鄰里相與言穉事凜可懼羣蝗飛  
蔽日殘齧到竹樹惟茲數里間若有神物護天苗幸獨  
薄豈以此老故老人亦自笑病骨日欲仆鬼神彼何為  
與世殊好惡相期勤自修此幸豈可屢

稽山道中

文章事業初何有鐘鼎山林本自同昨暮釣魚天鏡北



今朝采藥石帆東

又

禹陵草木初霑露  
謝墅人家已閉門  
八十年間幾來往  
癡頑不料至今存

讀近人詩

琢琯自是文章病  
奇險尤傷氣骨多  
君看大羹元酒味  
蟹螯蛤柱豈同科

琴劒

流塵冉冉琴誰鼓  
漬血斑斑劍不磨  
俱是人間感懷事  
豈無壯士為悲歌

戲題

莫輕凡骨未飛騰  
要勝人間粥飯僧  
山路近行猶百里  
酒盃一舉必三升

溪上小雨

我是人間自在人  
江湖處處可垂綸  
埽空紫陌紅塵夢  
收得煙蓑雨笠身

晚聞庭樹鴉鳴有感

烏鵲棲我庭將旦輒散去此豈厭所棲亦以飲啄故一  
飢能驅人擾擾無晨暮不然亦已矣豈樂塵土汙我有  
茆三間自少鮮外慕力畊自足食雞豚亦可具晚雖誤  
收召疾走如脫兔六年楓林下不知歲月度殘骸幸強  
健沽酒徧山步

鄉語謂湖山間  
小聚為山步

醉歸每自笑不負此芒

屨平生愛方外雖老冀有遇秋風送片帆更上剡溪路

秋夜坐中

木落煙深江上村，算秋蕭瑟不堪論。  
雁如著意頻驚枕，月似知愁故入門。  
營道數峰新石友，近得道石數峯廣陵一曲古桐孫。  
亦知長物終安取，聊與兒曹洗睡昏。

又

殘年冉冉返丘園，敗屋蕭蕭長子孫。  
久悔文辭妨大學，偶因憂患得玄門。  
扶持後死知天幸，容養無能荷國恩。  
急雨打窗秋又晚，旋挑野菜助盤飧。

識媿

路逢野老共語  
歸舍賦此詩

幾年羸疾卧家山，牧豎樵夫日往還。  
至論本求編簡上，忠言乃在里閭間。  
私憂驕寇心常折，念報明時涕每潛。  
二句實書其語寸祿不沾能及此，細聽只益厚吾顏。

秋雨

算秋木葉已微丹，小雨蕭蕭又作寒。  
目送斷雲歸谷口，身隨新雁寄江干。  
濁醪易負尋常債，退士難叨本分官。  
謝盡浮名更無事，燈前兒女話團圞。

秋來益覺頑健時，一出遊意中甚適。  
雜賦五字。

旬日雨頻作一年秋又殘  
光陰不少貸懷抱若為寬小  
氣聊尋醉疎砧已戒寒  
定知清夜夢又過石闌干

剡溪道中

佳處

又

何許是吾廬南臨古鏡湖  
園林垂橘柚門巷落楸梧  
牀穩龜無息巢新鶴有雛  
鄰翁殊耐久有酒即相呼

又

原塹無閒土鄉閭有老人  
疾平行已健秋晚醉差頻  
啄

黍黃雞嫩迎霜紫蟹新百年元任運一笑却關身

又

藿食筋骸憊林廬歲月侵道窮思故友力盡悔初心浩  
浩天知我悠悠後視今飄零君勿嘆古瑟有遺音

又

輕裝兩衣笈假寢一胡床喚渡江樓下逢僧縣驛傍橫  
林生夕靄孤蝶弄秋光老慣人間事無詩寄斷腸

又

渡水得魚舍乞漿敲竹扉地偏花帶恨林暝鳥忘歸獨  
往非違世幽居自息機晚來清興極更喜雨霏霏

又

窮阨非由命從來作計疎妄營資鬼笑多愛奪狐書何  
事能陶寫惟當盡破除霜晴宜著屐不敢笑無驢

又

寓世年雖往安心疾已平每思丹竈冷宜覺世緣輕布  
被雞催曉蓬窗鵲噪晴呼兒淨洗硯書帖寄青城



又

萬古無窮夢餘年欲散雲身雖迫衰謝學未廢鋤耰開  
卷多新得逢人有舊聞伏生雖九十猶冀與斯文

又

斯世本無事古人誰與歸屏除閒塵尾收拾舊蓑衣浩  
浩觀空劫拳拳訟昨非雲開天萬里遼鶴正孤飛

遊近山僧菴

卧看香穗嘆吾衰起著芒屨信所之十里溪山最佳處

一年寒煖適中時眼明竹院如曾到心許沙鷗卜後期  
不是詩人託高興日長真付一枰碁

喜晴

三日雨不止意謂無復晴泥深不可出卧聽空堦聲事  
有未易料南風起三更陣陣浮雲歸杲杲初日明穡事  
既竭作機杼比屋鳴天公真老手談笑功皆成家家有  
新釀歡言相送迎蝗孽幸埽空努力謀春畊

阿通自閩中歸甫九歲頗有老成之風作此詩示

之

通子還家已九齡從師衿佩兩青青長成勉作功名計  
勿學衰翁老一經

農家

大布縫袍穩乾薪起火紅薄才施畎畝朴學教兒童羊  
要高為棧雞當細織籠農家自堪樂不是傲王公

又

盜息無排甲兵消不取丁頻過鬪雞舍閒學相牛經江

浦漁歌遠人家績火青遨遊無定處隨意宿丘亭

又

東舍女桑龍西家婦夢熊翁誇酒重碧孫愛果初紅粟  
烈三冬近團欒一笑同營生無繆巧百事仰天公

又

租犢畊蕎地呼舩取荻薪蒼頭供井臼赤脚解縫紉僧  
乞銘師塲巫邀賽土神心常厭多事謝病又經旬

又

新作地爐成蓬窗亦自明  
油香麪餌脆人靜布機鳴  
縣吏催科簡豪家督債輕  
小康何敢望生計且支撐

又

諸孫晚下學髻脫繞園行  
互笑藏鉤拙爭言鬪草贏  
爺嚴責程課翁愛哺飴  
錫富貴寧期汝它年且力畊

讀老子有感

左史倚相讀皇墳學者尚得窺全渾  
孰為武城二三策  
寧取道德五千言  
巢居結繩事益遠  
澆淳散朴忍復論

安得深山老不死坐待古俗還羲軒

鄰人送菰菜

張蒼飲乳元難學綺季餐芝未免飢  
稻飯似珠菰似玉老農此味有誰知

書喜

莫謂家貧厭舊醅一尊聊對桂花開  
天苗已過無蝗孽海舶初通有藥材  
剗借涼風吹醉頰況逢急雨洗浮埃  
入秋腰脚增強健山麓從今日日來

秋日徙倚門外久之

舍前煙水似瀟湘  
白首歸來愛故鄉  
五畝山園鬱桑柘  
數椽茅屋映菰蔣  
翻翻小繖船歸郭  
渺渺長歌月滿塘  
却掩柴荆了無事  
篆盤重點已殘香

雙蝶

庭草何離離  
清晨露猶溼  
草頭兩黃蝶  
為我小佇立  
秋光亦已晚  
行見霜霰集  
方春不盡狂  
汝悔尚何及  
吾生更堪笑  
去日如電急  
功名竟何在  
惆悵劒峯澀

法雲孚上座求詩

老人癡鈍避嫌猜終日柴門閉不開堪笑山僧能好事

乞碑纔去覓詩來

近有淨慈僧訥來求銘其師塏亦寓法雲幾年

詹仲信出示卜居詩佳甚作二絕句謝之

十里相望亦未遥何由頻得慰無聊老來萬事慵開眼  
獨喜詩盟不寂寥

又

年來阻濶動經時忽見新篇乃爾奇安得齊紈翦團扇



為君小草卜居詩

夜雨

夜雨有殘滴秋砧無絕聲得詩旋已忘覓睡固難成壯  
志悲垂老歸畊願太平發春纔屬爾歲事又崢嶸

晚秋出門戲作

病叟倘佯古澤邊橫林搖落算秋天鳴鳩雨後却呼婦  
飛雀霜前先著縣抱被每投僧榻宿卷書時當酒家錢  
秋風想像芝房熟北望商山一悵然

又

閒愁那到野人邊萬事元知合付天  
盡醉僅能三盃酒  
新寒未辦一銖絲鄰僧每欲分齋鉢  
廟史猶來索社錢  
無地置錫真細事不妨胸次日超然

消搖

莫笑茆檐陋消搖遂野情  
遇魔增道力因病悟浮生  
謀食憑長鑱論交得短檠  
不知從此去幾見雁南征

堅頑

小市朝行藥明燈夜讀書雖殊帶箭鶴要是脫鈎魚有  
飯已多矣無衣亦晏如堅頑君勿怪豈失遂吾初

遣懷

息倦登畊隴棄閒弄釣舟安能書咄咄且復送悠悠窮  
巷誰來往村醪自獻酬何妨晏平仲歲晚一狐裘

又

窮每占周易閒惟讀楚騷病隨災漸退嬾與拙相遭投  
枕燈初上披衣日已高清愁亦可剪無處買并刀

又

有志師千載無方起九原  
山園菜常瘦村店酒多渾  
衰疾形詩句窮愁入夢魂  
傍觀任嘲笑吾道始應尊

又

雲簇初疑雨風生忽快晴  
半窗松竹影繞舍鳥鳥聲  
看劒心猶壯開書眼漸明  
餘年真已矣不復問君平

初寒

日月誰能駐風霜忽已高  
公孫分布被范叔共綈袍  
襪

榼炊香甌蒲萄壓小槽所慙才已盡孤詠不能豪

閒行至西山民家

秋林半丹葉秋草多碧花隔山五六里臨水兩三家曾  
魚與伐荻各自有生涯平池散雁鶩繞舍栽桑麻客至  
但舉手土釜煎秋茶城中不如汝切莫慕浮夸

夜與子適說蜀道因作長句示之

憶自梁州入劔門關山無處不消魂亞松託宿逢秋雨

小柏經行聽曉猿

亞松在成都小柏在三泉閣道

當日只知悲客路歸

來終亦老江村吾兒生晚那知此聊對青燈與細論

村舍

無懷葛天古遺民種畬歸來束澗薪亭長聞名不識面  
豈知明府是何人

又

雞鳴犬吠相聞地穴處巢居上古風飽飯不為明日慮  
酣歌便過百年中

又

露草乾時兒牧羊朝日出時女采桑一床絮被千萬足  
不解城中有許忙

又

山高正對燒畬火溪近時聞戽水聲破屋已斜猶可住  
老年雖瘠尚能畊

又

莫笑山家拙治生正緣亦足得身輕滿爐封火渾家暝  
一盃松肪徹夜明

又

故絮五更偏覺冷  
薄糜未午已先飢  
誰知人不堪憂處  
正是降魔奏凱時

又

氣全自可忘憂患  
心動安能敵死生  
若論老人真受用  
已多稗飯與藜羹

登山西望有懷季長

行年垂九十舉世少輩行  
敢言貧非病要是老益壯平



時嬾書疏有會未始倡張卿獨所敬夙昔推直諒迹雖  
隔吳蜀相憶每慘愴使者交道中萬里問亡恙忽焉奉  
赴告斯文豈將喪腰經不撫棺執紼不會葬送子岷山  
下想見車百兩我徒哭寢門淚盡氣塞吭年雖不耄期  
仕誰不將相神明司禍福于職豈亦曠霜風九月初憑  
高極西望江原在何許安得鏟疊嶂

山行

五尺桄榔杖二寸楸櫚冠往來山谷中髮白面渥丹初

非乳石力所得懷抱寬入寺不尋僧自愛松風寒松風  
晚少靜我意殊未闌却尋歸村路白石明青灘

二樂

遊山恨不遠讀書恨不博天下多名山何處無芒屨束  
書飽蠹魚於汝寧不忤日月如過燒老病將何若眼猶  
急開卷足尚供尋壑少勞君勿辭是中有真樂

村女

白襦女兒繫青裙東家西家世通婚采桑餉飯無百步

至老何曾識別村

示子通

我初學詩日但欲工藻繪中年始少悟漸若窺宏大怪  
奇亦間出如石漱湍瀨數仞李杜牆常恨欠領會元白  
纔倚門溫李真自鄮正令筆扛鼎亦未造三昧詩為六  
藝一豈用資狡獪

晉人謂戲為狡獪  
今閩語尚爾

汝果欲學詩工夫在

詩外

聞新雁有感

才本無多老更疏功名已負此心初  
鏡湖夜半聞新雁  
自起吹燈讀漢書

又

新雁南來片影孤  
冷雲深處宿菰蘆  
不知湘水巴陵路  
曾記漁陽上谷無

山村獨酌

腰劒如今不換牛  
固應萬事一時休  
孤舟慣作瀟湘夢  
駿馬寧思鄠杜遊  
毀譽要須千載定  
功名已向隔生求

石帆山下秋風晚買酒看雲自獻醅

小園獨酌

橫林搖落弄微丹深院蕭條作小寒秋氣已高殊可喜  
老懷多感自無歡鹿初離母斑猶淺橘乍經霜味尚酸  
小酌一卮幽興足豈須落佩與頽冠

劔南詩藁卷七十八